

PREGAVID CAPSULES

Pregabalin (Kapsul 25mg, 50mg, 75mg, 100mg, 150mg, 200mg, 225mg, 300mg)

Apakah yang ada pada risalah ini

1. Apakah kegunaan Pregavid Capsules
2. Bagaimana Pregavid Capsules berfungsi
3. Sebelum menggunakan Pregavid Capsules
4. Cara menggunakan Pregavid Capsules
5. Semasa menggunakan Pregavid Capsules
6. Kesan-kesan sampingan
7. Cara penyimpanan dan pelupusan Pregavid Capsules
8. Maklumat lanjut
9. Pengilang dan Pemegang Kebenaran Pemasaran/ Pemegang Pendaftaran Produk (Malaysia)/ Pemilik Produk
10. Tarikh kemas kini RiMUP
11. Nombor Siri

Apakah kegunaan Pregavid Capsules

Pregabalin Capsules digunakan untuk merawat:

Kesakitan sistem saraf

Pregabalin digunakan untuk merawat kesakitan sistem saraf periferi dan pusat dalam pesakit dewasa.

Epilepsi

Pregabalin digunakan untuk terapi adjunct dalam rawatan sawan separa dengan atau tanpa generalisasi sekunder dalam pesakit dewasa.

Gangguan keresahan umum

Pregabalin digunakan untuk rawatan Gangguan Keresahan Umum (GAD) dalam pesakit dewasa.

Fibromialgia

Pregabalin digunakan untuk pengurusan fibromialgia.

Bagaimana Pregavid Capsules berfungsi

Pregavid Capsules mengurangkan bilangan isyarat saraf dan membantu untuk menenangkan sel-sel saraf yang terlalu sensitif.

Sebelum menggunakan Pregavid Capsules

- Bila tidak boleh menggunakan

Jangan mula mengambil Pregavid Capsules sekiranya anda alah terhadap pregabalin atau apa-apa bahan yang terkandung dalam Pregavid Capsules. Lihat bahagian akhir risalah ini untuk senarai lengkap bahan-bahan dalam Pregavid Capsules.

Gejala-gejala reaksi alahan terhadap Pregavid Capsules mungkin termasuk:

- Reaksi alahan yang serius, bahkan mengancam nyawa
- Pemikiran atau Tindakan membunuh diri
- Bengkak pada tangan, kaki dan tapak kaki
- Pening dan mengantuk

Kehamilan dan penyusuan anak

Kajian terhadap haiwan menunjukkan bahawa pregabalin, iaitu bahan aktif dalam Pregavid Capsules, boleh menyebabkan ketoksikan sistem pembiakan. Oleh itu, ubat ini tidak boleh diambil semasa hamil. Kontraseptif yang berkesan mesti digunakan oleh wanita yang berpotensi hamil.

Pregavid Capsules diketahui meresap ke dalam susu ibu. Memandangkan keselamatan Pregavid Capsules terhadap bayi adalah tidak diketahui, penyusuan susu ibu tidak disyorkan semasa rawatan Pregavid Capsules.

Anda dan penyedia penjagaan kesihatan anda hendaklah berbincang sama ada anda perlu mengambil Pregavid Capsules atau menyusukan anak, tetapi anda tidak boleh melakukan kedua-duanya sekali.

- Sebelum menggunakan Pregavid Capsules

Beritahu penyedia penjagaan kesihatan anda tentang semua keadaan perubatan anda termasuk jika anda:

- Mengalami atau pernah mengalami kemurungan, masalah perasaan atau pemikiran atau kelakuan membunuh diri

- Mempunyai masalah buah pinggang atau mendapat dialisis buah pinggang
- Mempunyai masalah jantung termasuk kegagalan jantung
- Mempunyai masalah pendarahan atau bilangan platelet darah yang rendah
- Pernah menyalahgunakan ubat preskripsi atau dadah jalanan sebelum ini
- Pernah bengkak di bahagian muka, mulut (lidah, bibir, gusi) dan leher (tekak dan laring; angioedema)
- Kajian haiwan telah menunjukkan bahawa pregabalin, iaitu bahan aktif dalam Pregavid Capsules, boleh mengakibatkan ketoksikan sistem pembiakan. Oleh itu, ubat ini tidak boleh diambil semasa hamil
- Sedang atau pernah mengalami ketidakhadapan kepada susu atau produk tenusu (tak bertoleransi laktosa)
- Mengalami gangguan fungsi otak (ensefalopati)
- Pernah menyalahgunakan atau mengalami episod penyalahgunaan dan kebergantungan ubat (tingkah laku pencarian ubat) pada masa lalu
- Sedang menjalani rawatan sakit sistem saraf pusat akibat kecederaan saraf tunjang.
- Mempunyai pernafasan sedia ada yang perlahan dan tidak berkesan, atau jika anda sedang mengambil sekumpulan ubat yang dipanggil CNS depressants, termasuk opioid.

- Jika mengambil ubat-ubat lain

Beritahu penyedia penjagaan kesihatan anda tentang semua ubat yang anda ambil termasuk ubat-ubat preskripsi dan bukan preskripsi, vitamin atau makanan tambahan herba. Pregavid Capsules dan ubat-ubat lain mungkin saling mempengaruhi antara satu sama lain dan mengakibatkan kesan-kesan sampingan.

Beritahu penyedia penjagaan kesihatan anda terutamanya jika anda mengambil:

PREGAVID CAPSULES

Pregabalin (Kapsul 25mg, 50mg, 75mg, 100mg, 150mg, 200mg, 225mg, 300mg)

- Perencat enzim penukar angiotensin (ACE), yang digunakan untuk merawat banyak keadaan, termasuk tekanan darah tinggi. Anda mungkin berisiko lebih tinggi untuk mengalami bengkak dan gatal-gatal sekiranya ubat ini diambil bersama Pregavid Capsules.
- Avandia (rosiglitazone), Avandamet (mengandungi rosiglitazone dan metformin), atau Actos (pioglitazone) untuk kencing manis. Anda mungkin berisiko lebih tinggi untuk mengalami penambahan berat badan atau bengkak pada bahagian tangan atau kaki sekiranya ubat ini diambil bersama Pregavid Capsules.
- Sebarang ubat yang boleh menyebabkan anda mengantuk
- Pregavid Capsules mungkin meningkatkan kesan ethanol dan lorazepam.
- Pregavid Capsules tampaknya berupaya meningkatkan kesan tertentu (gangguan proses pemikiran dan gaya pergerakan yang tidak normal) yang disebabkan oleh oxycodone.
- Kegagalan paru-paru dan koma telah dilaporkan berlaku pada pesakit yang mengambil Pregavid Capsules dan ubat penindas sistem saraf pusat yang lain, termasuk pada pesakit yang menyalahgunakan ubat.

Ketahui ubat-ubat yang anda ambil. Simpan satu senarai ubat-ubat ini bersama anda untuk ditunjukkan kepada penyedia penjagaan kesihatan dan ahli farmasi anda setiap kali anda mendapatkan ubat baru. Jangan mulakan ubat baru tanpa berbincang dengan penyedia kesihatan penjagaan kesihatan anda.

Cara menggunakan Pregavid Capsules

- Berapa banyak harus digunakan

Ikut arahan doktor atau ahli farmasi anda dengan teliti. Ia mungkin berbeza dari maklumat di dalam risalah ini. Jika anda tidak memahami arahan pada

label ubat anda, sila rujuk kepada doktor atau ahli farmasi.

- Ambil Pregavid Capsules tepat sebagaimana yang ditetapkan. Penyedia penjagaan kesihatan anda akan memberitahu anda berapa banyak Pregavid Capsules yang perlu untuk diambil
- Pregavid Capsules mungkin boleh diambil dengan atau tanpa makanan
- Penyedia penjagaan kesihatan anda mungkin menukar dos anda. Jangan menukar dos anda tanpa berbincang dengan penyedia penjagaan kesihatan anda.
- Dos yang disyorkan ialah 150 hingga 600 mg sehari yang dibahagikan kepada dua atau tiga dos.

- Bila perlu digunakan

Ikut arahan doktor atau ahli farmasi anda.

Ambil Pregavid Capsules tepat sebagaimana yang ditetapkan. Penyedia penjagaan kesihatan anda akan memberitahu anda bila untuk mengambil Pregavid Capsules. Anda dinasihatkan supaya mengambil Pregavid Capsules pada masa yang sama setiap hari.

- Berapa lama perlu digunakan

Teruskan penggunaan ubat ini mengikut tempoh masa yang ditetapkan oleh doktor anda.

Jangan berhenti mengambil Pregavid Capsules tanpa merujuk kepada penyedia penjagaan kesihatan anda. Jika anda berhenti mengambil Pregavid Capsules secara tiba-tiba, anda mungkin mengalami masalah tidur, loya, sakit kepala, resah, peluh berlebihan dan cirit-birit. Sekiranya anda menghidap epilepsi dan berhenti mengambil Pregavid Capsules secara tiba-tiba, anda mungkin mengalami sawan yang lebih kerap. Jika Pregavid Capsules dihentikan, kurangkan dos secara beransur-ansur selama sekurang-kurangnya 1 minggu dan bukannya menghentikan ubat secara tiba-tiba.

Sila berbincang dengan penyedia penjagaan kesihatan anda tentang bagaimana untuk menghentikan Pregavid Capsules secara perlahan-lahan.

- Jika anda terlupa menggunakan

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos seterusnya pada masa biasa. Jangan ambil dua dos pada masa yang sama.

- Jika menggunakannya secara berlebihan (terlebih dos)

Jika anda mengambil Pregavid Capsules secara berlebihan, hubungi penyedia penjagaan kesihatan anda atau pusat kawalan racun, atau pergi ke jabatan kecemasan terdekat dengan segera.

Kesan sampingan ini dilaporkan apabila Pregavid Capsules diambil dengan terlalu banyak:

- Gangguan afektif (gangguan mood yang tidak normal), mengantuk, kekeliruan, kemurungan, agitasi dan gelisah.
- Sawan yang telah dilaporkan apabila ubat ini diambil secara berlebihan.

Semasa menggunakan Pregavid Capsules

- Perkara yang perlu dilakukan

Guna ubat anda mengikut arahan doktor.

Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Pregavid Capsules.

Beritahu doktor anda dengan segera jika anda hamil semasa menggunakan ubat ini.

Gunakan Pregavid Capsules hanya dengan preskripsi doktor.

Berhenti mengambil Pregavid Capsules dan hubungi penyedia penjagaan kesihatan anda dengan segera sekiranya anda mempunyai

PREGAVID CAPSULES

Pregabalin (Kapsul 25mg, 50mg, 75mg, 100mg, 150mg, 200mg, 225mg, 300mg)

sebarang tanda reaksi alahan yang serius:

- Bengkak pada muka, mulut, bibir, gusi, lidah, tekak atau leher anda
- Masalah pernafasan
- Ruam, gatal-gatal (bengkak tertimbul) atau lepuh

Hubungi penyedia penjagaan kesihatan anda dengan segera sekiranya anda mempunyai mana-mana gejala berikut, terutamanya jika ia adalah baru, lebih teruk atau membimbangkan anda:

- Pemikiran bunuh diri atau mati
- Percubaan untuk membunuh diri
- Kemurungan yang baru atau lebih teruk
- Kebimbangan yang baru atau lebih teruk
- Rasa resah atau gelisah
- Serangan panik
- Masalah tidur (*insomnia*)
- Perasaan cepat marah yang baru atau lebih teruk
- Bertindak agresif, marah atau ganas
- Bertindak atas impuls berbahaya
- Peningkatan melampau dari segi kegiatan dan pertuturan (mania)
- Perubahan tingkah laku atau mood yang luar biasa

- Perkara yang tidak boleh dilakukan
Jangan berhenti menggunakan ubat ini kecuali diarahkan oleh doktor anda.

Jangan mula menggunakan sebarang ubat baharu tanpa berbincang dengan doktor atau ahli farmasi anda.

Jangan memberi Pregavid Capsules kepada sesiapa, walaupun mereka mempunyai simptom atau keadaan yang sama dengan anda.

Jangan memandu, mengendalikan mesin, atau melakukan aktiviti-aktiviti lain yang boleh membahayakan anda sehingga anda mengetahui kesan-kesan Pregavid Capsules terhadap anda.

Pregabalin mungkin menyebabkan pening dan mengantuk yang keterlaluan. Ini boleh menjejaskan aktiviti seperti memandu atau mengendalikan risiko kecederaan yang

tidak disengajakan (jatuh) dalam kalangan warga tua.

Tanya penyedia penjagaan kesihatan anda tentang masa yang sesuai bagi anda untuk melakukan aktiviti-aktiviti ini.

- Perkara yang perlu diberi perhatian
Sekiranya anda mempunyai pemikiran atau Tindakan membunuh diri, jangan berhenti mengambil Pregavid Capsules tanpa berbincang dengan penyedia penjagaan kesihatan terlebih dahulu.

- Berhenti mengambil Pregavid Capsules secara tiba-tiba boleh mengakibatkan masalah yang serius
- Pemikiran atau Tindakan membunuh diri mungkin disebabkan oleh perkara-perkara lain daripada ubat-ubat. Jika anda mempunyai pemikiran atau Tindakan membunuh diri, penyedia penjagaan kesihatan anda mungkin memeriksa sebab-sebab lain.

Bagaimana saya boleh berwaspada dengan gejala awal pemikiran dan tindakan membunuh diri

- Menyedari sebarang perubahan, terutamanya perubahan secara tiba-tiba, dari segi mood, tingkah laku, pemikiran atau perasaan.
- Pastikan semua lawatan susulan dengan penyedia penjagaan kesihatan anda dibuat seperti yang dijadualkan
- Hubungi penyedia penjagaan kesihatan anda antara masa lawatan seperti yang diperlukan, terutamanya jika anda risau tentang simptom-simptom ini.

Kesan-kesan sampingan

Seperti ubat-ubatan lain, Pregavid Capsules boleh menyebabkan kesan sampingan, walaupun bukan semua orang akan mengalaminya.

Jumpa doktor atau ahli farmasi anda dengan segera jika anda mengalami

sebarang kesan sampingan selepas menggunakan ubat ini.

Paling biasa:

- Rasa pening, mengantuk
- Sakit kepala

Biasa:

- Badan berasa sejuk
- Selera makan meningkat
- Mood yang ceria, kekeliruan, cepat marah, kemurungan, bingung dengan persekitaran, sukar untuk tidur, nafsu seks menurun
- Masalah penyelarasan otot terkawal, tidak dapat mengawal postur badan, kekejangan otot, hilang ingatan, masalah ingatan, gangguan tumpuan, rasa sesemut dan mencucuk-cucuk yang tidak normal, deria sentuhan berkurangan, berasa tenang/kurang gelisah atau tidak cepat marah, masalah keseimbangan badan, kurang bertenaga
- Penglihatan kabur dan penglihatan berganda
- Hilang keseimbangan badan
- Muntah, sembelit atau najis yang keras, pengumpulan gas dalam saluran pencernaan, pengumpulan gas atau udara dalam abdomen, mulut kering
- Kekejangan otot, sakit sendi, sakit belakang, sakit pada anggota badan, kekakuan otot
- Pengumpulan cecair dalam tisu, gaya jalan yang tidak normal, jatuh berasa mabuk, berasa tidak normal, lemah
- Berat badan meningkat
- Cirit-birit, muntah

Beritahu penyedia penjagaan kesihatan anda tentang sebarang kesan sampingan yang mengganggu anda atau yang tidak hilang.

Ini bukannya semua kesan sampingan Pregavid Capsules yang mungkin berlaku. Untuk maklumat lanjut, sila berjumpa dengan penyedia penjagaan kesihatan atau ahli farmasi. Hubungi doktor anda untuk mendapatkan nasihat perubatan tentang kesan-kesan sampingan.

PREGAVID CAPSULES

Pregabalin (Kapsul 25mg, 50mg, 75mg, 100mg, 150mg, 200mg, 225mg, 300mg)

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers→ Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Pregavid Capsules

- Penyimpanan

Jauhi semua ubat daripada kanak-kanak.

Simpan di bawah suhu 30°C. Simpan di tempat yang sejuk dan kering, jauh daripada cahaya matahari.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Pregavid Capsules 25mg

Kapsul saiz 4 dengan topi legap putih dan badan putih legap; topi bertulisan "hovid" dan badan bertulisan "PB 25" dalam dakwat hitam, mengandungi serbuk putih hingga putih pudar.

Pregavid Capsules 50mg

Kapsul saiz 2 dengan topi legap putih dan badan putih legap; topi bertulisan "hovid" dan badan bertulisan "PB 50" dalam dakwat hitam, mengandungi serbuk putih hingga putih pudar. Badan kapsul juga ditandai dengan jalur hitam.

Pregavid Capsules 75mg

Kapsul saiz 4 dengan topi legap coklat dan badan putih legap; topi bertulisan "hovid" dan badan bertulisan "PB 75" dalam dakwat hitam, mengandungi serbuk putih hingga putih pudar.

Pregavid Capsules 100mg

Kapsul saiz 4 dengan topi legap coklat muda dan badan legap coklat muda;

topi bertulisan "hovid" dan badan bertulisan "PB 100" dalam dakwat hitam, mengandungi serbuk putih hingga putih pudar. Badan kapsul juga ditandai dengan jalur hitam.

Pregavid Capsules 150mg

Kapsul saiz 2 dengan topi legap putih dan badan legap putih; topi bertulisan "hovid" dan badan bertulisan "PB 150" dalam dakwat hitam, mengandungi serbuk putih hingga putih pudar.

Pregavid Capsules 200mg

Kapsul saiz 1 dengan topi legap oren muda dan badan legap oren muda; topi bertulisan "hovid" dan badan bertulisan "PB 200" dalam dakwat hitam, mengandungi serbuk putih hingga putih pudar.

Pregavid Capsules 225mg

Kapsul saiz 1 dengan topi legap coklat muda dan badan legap putih; topi bertulisan "hovid" dan badan bertulisan "PB 225" dalam dakwat hitam, mengandungi serbuk putih hingga putih pudar.

Pregavid Capsules 300mg

Kapsul saiz 0 dengan topi legap coklat dan badan legap putih; topi bertulisan "hovid" dan badan bertulisan "PB 300" dalam dakwat hitam, mengandungi serbuk putih hingga putih pudar.

- Bahan-bahan kandungan

- Bahan aktif

Pregabalin

- Bahan tidak aktif

Partially Pregelatinised Starch

Talc

- Nombor MAL

Pregavid Capsules 25mg

MAL26016031AZ

Pregavid Capsules 50mg

MAL26016032AZ

Pregavid Capsules 75mg

MAL24046009AZ

Pregavid Capsules 100mg

MAL24046008AZ

Pregavid Capsules 150mg

MAL24046007AZ

Pregavid Capsules 200mg

MAL24046006AZ

Pregavid Capsules 225mg

MAL24046005AZ

Pregavid Capsules 300mg

MAL24046004AZ

Pengilang

Hovid Berhad

Lot 56442 7 ½ Miles

Jalan Ipoh/Chemor,

31200 Ipoh, Perak,

Malaysia.

Pemegang Kebenaran Pemasaran/ Pemegang Pendaftaran Produk (Malaysia)/ Pemilik Produk

Hovid Berhad

121, Jalan Tunku Abdul Rahman,

(Jalan Kuala Kangsar)

30010 Ipoh, Perak,

Malaysia.

Tarikh kemas kini RiMUP

13/02/2026

Nombor Siri

NPRA(R2) 23/111